

PANEL HEDDLU A THROSEDDU DYFED POWYS

Dydd Mercher, 6 Tachwedd 2019

YN BRESENNOL: Yr Athro I. Roffe (Cadeirydd)

Aelodau o Gyngor Sir Caerfyrddin:

Cynghorwyr K. Howell a J. Prosser;

Aelodau o Gyngor Sir Ceredigion:

Cynghorwyr L. Edwards a K. Evans;

Aelodau o Gyngor Sir Penfro:

Cynghorwyr M. James, S. Joseph a R. Summons;

Aelodau o Gyngor Sir Powys:

Cynghorwyr L. George a W. Powell;

Aelod Annibynnol:

Mrs. H.M. Thomas;

Yn bresennol o Swyddfa'r Comisiynydd Heddlu a Throseddau:

Mr. D. Llywelyn - Y Comisiynydd Heddlu a Throseddau;

Mrs. C. Morgans - Pennaeth Staff a Swyddog Monitro;

Ms. B. Peatling – Prif Swyddog Ariannol;

Ms. N. Harris – Rheolwr Sicrwydd Ansawdd;

Hefyn yn bresennol:

Y Cynghorydd E. Schiavone (Cyngor Sir Caerfyrddin);

Yr oedd y swyddogion canlynol yn gwasanaethu yn y cyfarfod:

R. Edgecombe, Rheolwr y Gwasanaethau Cyfreithiol;

J. Laimann, Swyddog Gwasanaethau Democrataidd;

Siambr, 3 Heol Spilman, Caerfyrddin. 10.40 yb - 12.15 yp

1. YMDDIHEURIADAU AM ABSENOLDEB A MATERION PERSONOL

Derbyniwyd ymddiheuriadau am absenoldeb gan y Cynghorydd Alun Lloyd-Jones (Cyngor Sir Ceredigion) a'r Cynghorydd David Evans (Cyngor Sir Powys).

NEWID TREFN Y MATERION

Cytunodd y Panel i amrywio trefn yr eitemau ar yr agenda er mwyn trafod eitem 5 (Cwynion ac Ymddygiad) a thrafod hyn cyn Eitem 4 (Recriwtio Aelodau Cyfetholedig i'r Panel).

2. DATGANIADAU O FUDDIANT

Aelod o'r Panel	Rhif y Cofnod	Y Math o Fuddiant
Y Cynghorydd W. Powell	Eitem 7 – Cwyn yn erbyn Comisiynydd yr Heddlu a	Yn gysylltiedig â'r achwynydd

	Throseddu gan C.C.	
Mrs. H.M. Thomas	Eitem 5 – Recriwtio Aelodau Cyfetholedig i'r Panel	Aelod Cyfetholedig o'r Panel
Yr Athro I. Roffe	Eitem 5 – Recriwtio Aelodau Cyfetholedig i'r Panel	Aelod Cyfetholedig o'r Panel

3. CYNHADLEDD IECHYD MEDDWL A PHLISMONA

Derbyniodd y Panel adroddiad gan Mrs Helen Thomas a'r Cynghorydd William Powell ar gynhadledd flynyddol Iechyd Meddwl a Phlismon y bu'r ddau yn mynychu ar 23 a 24 Medi yng Nghaer. Dywedodd y Panel fod y gynhadledd eleni wedi canolbwyntio ar iechyd meddwl plant a phobl ifanc a'i bod wedi rhoi cipolwg gwerthfawr ar sut y gellid mynd i'r afael â heriau parhaus. Y ddwy brif neges o blith y cyfraniadau amrywiol a gafwyd yn y gynhadledd oedd pwysigrwydd ymyrraeth gynnar i fynd i'r afael â materion iechyd meddwl a gwerth gweithio mewn partneriaeth mewn ymateb i bwysau cynyddol ar gyllidebau. Roedd gan Gomisiynwyr yr Heddlu a Throseddu rôl allweddol i'w chwarae yn y cyd-destun hwn oherwydd y gallent annog gweithio mewn partneriaeth a sicrhau bod yr asiantaethau cywir yn atebol. Diolchodd y Panel i Mrs Thomas a'r Cynghorydd Williams am yr adroddiad trylwyr a oedd yn llawn gwybodaeth.

Pwysleisiodd y Comisiynydd y pwysigrwydd o weithio gyda phartneriaid megis Bwrdd Iechyd Hywel Dda a dywedodd ei fod yn ceisio gwrthbwyso rhai o effeithiau'r toriadau cyllidebol drwy ddarparu cyllid i wasanaethau ieuencid yn ardal Dyfed-Powys. Mewn ymateb i ymholiad ynghylch lles swyddogion yr heddlu sy'n ymdrin â sefyllfaoedd heriol, dywedodd y Comisiynydd fod gwasanaethau ar gael a bod arweinydd iechyd meddwl wedi'i benodi'n ddiweddar yn y tîm iechyd galwedigaethol.

PENDERFYNWYD nodi'r adroddiad.

4. CWYNION AC YMDDYGIAD

Bu'r Panel yn ystyried adroddiad ar y newidiadau arfaethedig i broses gwyno'r heddlu a'u heffaith bosibl ar waith y Panel. Dywedwyd wrth y Panel y byddai'r newidiadau arfaethedig yn symud y cyfrifoldeb o ran y broses apelio ar gyfer cwynion yn erbyn yr heddlu i'r Comisiynydd. Gallai hyn o bosibl arwain at gynnydd yn nifer y cwynion yn erbyn y Comisiynydd Heddlu a Throseddu y byddai'n rhaid i'r Panel eu hystyried. Roedd disgwyl i'r newidiadau ddod i rym ar ddechrau 2020 a gallent roi cyfle i'r Panel adolygu ei weithdrefn gwyno.

PENDERFYNWYD nodi'r adroddiad.

5. RECRIWTIO AELODAU CYFETHOLEDIG I'R PANEL

[Sylwer: Roedd Mrs H Thomas a'r Athro I. Roffe wedi datgan buddiant yn y mater hwn yn gynharach felly gadawodd y ddau y Siambr cyn i'r Pwyllgor ystyried y mater a phenderfynu arno.]

Bu'r Panel yn ystyried adroddiad ar recriwtio aelodau cyfetholedig i'r panel. Yn dilyn beirniadaeth gyhoeddus o gyfansoddiad y Panel yn 2018-19, roedd Aelodau'r Panel wedi nodi eu bod yn dymuno ystyried cynyddu nifer yr aelodau cyfetholedig mewn ymdrech i fynd i'r afael â'r broblem. Dywedwyd wrth y Panel na allai roi blaenoriaeth i ymgeiswyr a oedd yn fenywod neu o gefndiroedd du a lleiafrifoedd ethnig ond gallai fynd ati i annog ceisiadau gan y grwpiau hyn. Ni fyddai'r Panel yn cael rhagor o arian ar gyfer aelod cyfetholedig ychwanegol.

Gwnaed sylw yn awgrymu y gallai'r panel geisio cynnwys pobl ifanc yn ei waith, er enghraifft drwy'r cyfryngau cymdeithasol a gwahodd ysgolion, cynghorau ieuenctid a chadetiaid yr heddlu i fynychu cyfarfodydd.

PENDERFYNWYD

- 5.1. Na ddylid cynyddu nifer yr aelodau cyfetholedig ar y Panel;**
- 5.2. Bod y broses recriwtio ar gyfer aelodau cyfetholedig yn 2020 yn mynd ati i annog ceisiadau gan fenywod, pobl iau a phobl o gefndiroedd du a lleiafrifoedd ethnig;**
- 5.3. Bod ysgolion, cynghorau ieuenctid a chadetiaid yr heddlu yn cael eu hannog i fynychu cyfarfodydd y Panel;**
- 5.4. Sefydlu is-bwyllgor penodiadau, sy'n cynnwys un aelod o bob awdurdod cyfansoddol, i oruchwyllo'r broses recriwtio hyd at ac yn cynnwys llunio rhestr fer o ymgeiswyr ar gyfer eu cyfweiliadau.**

6. GORCHYMYN I'R CYHOEDD ADAEL Y CYFARFOD

PENDERFYNWYD, yn unol â Deddf Llywodraeth Leol 1972, fel y'i diwygiwyd gan Orchymyn Llywodraeth Leol (Mynediad at Wybodaeth) (Amrywio) (Cymru) 2007, orchymyn i'r cyhoedd adael y cyfarfod tra oedd yr eitemau canlynol yn cael eu hystyried, gan fod yr adroddiadau'n cynnwys gwybodaeth eithriedig fel y'i diffiniwyd ym Mharagraff 12 o Ran 4 o Atodlen 12A i'r Ddeddf.

7. CWYN YN ERBYN Y COMISIYNYDD HEDDLU A THROSEDDU GAN C.C.

Yn sgil gweithredu'r prawf budd y cyhoedd PENDERFYNWYD yn unol â'r Ddeddf y cyfeiriwyd ati yng Nghofnod rhif 6 uchod, fod y mater hwn yn cael ei ystyried yn breifat, gan y byddai datgelu gwybodaeth yn rhoi gwybodaeth bersonol sensitif am aelod o'r cyhoedd yn y parth cyhoeddus.

Cafodd y Panel adroddiad ar gŵyn a gofnodwyd yn erbyn y Comisiynydd Heddlu a Throsedd.

PENDERFYNWYD

- 7.1. Nodi'r gŵyn;**
- 7.2. Anfon adroddiad at yr achwynydd, ac at y Comisiynydd Heddlu a Throsedd, gan fanylu ar ganlyniad y gŵyn.**

8. CWYN YN ERBYN Y COMISIYNYDD HEDDLU A THROSEDDU GAN A.R.

Yn sgil gweithredu'r prawf budd y cyhoedd **PENDERFYNWYD** yn unol â'r Ddeddf y cyfeiriwyd ati yng Nghofnod rhif 6 uchod, fod y mater hwn yn cael ei ystyried yn breifat, gan y byddai datgelu gwybodaeth yn rhoi gwybodaeth bersonol sensitif am aelod o'r cyhoedd yn y parth cyhoeddus.

Croesawodd y Panel yr achwynydd i'r cyfarfod gan dderbyn adroddiad ar y gŵyn a gofnodwyd yn erbyn y Comisiynydd Heddlu a Throseddau.

PENDERFYNWYD YN UNFRYDOL

8.1. Nodi'r gŵyn;

8.2. Anfon adroddiad at yr achwynydd, ac at y Comisiynydd Heddlu a Throseddau, gan fanylu ar ganlyniad y gŵyn.

CADEIRYDD

DYDDIAD